

Keu Tas Sim Neej ntawm ib  
tug (cov) Niam Txiv Saws  
Muaj Teeb Meem Cuam  
Tshuam Li Cas Rau Qhov  
Keu Pab Rau Keu Saws Me  
Nyuam

How the Death of an  
Adoptive Parent(s) Affects  
Adoption Assistance

Wisconsin Department of Children and Families  
Division of Safety and Permanence



*Daim ntawv tseb no muab sau ua ib daim ntawv qhia pab rau cov niam cov txiv saws me nyuam uas tau kos npe rau ib daim ntawv cog lus Adoption Assistance Agreement tseem siv tau nrog Wisconsin Department of Children and Families, thiab pab rau tus tau muab xaib los ua tus neeg saib xyuas tus me nyuam. Cov lus hauv qab no yog piav txog muaj dab tsi tshwm sim rau qhov kev pab rau kev saws me nyuam thaum cov niam cov txiv saws tas sim neej lawm.*

**1. Tus me nyuam puas yuav tau txais qhov nyiaj pab rau kev saws thiab qhov kev pab kho mob mus ntxiv thaum cov niam cov txiv saws tas sim neej lawm?**

Tsis tau. Daim ntawv cog lus The Adoption Assistance Agreement yog pom zoo los ntawm lub xeev State of Wisconsin thiab cov niam txiv saws tus me nyuam. Thaum tas sim neej lawm, daim ntawv cog lus yuav siv tsis tau. Daim ntawv cog lus Adoption Assistance Agreement muab hloov tsis tau ntawm cov niam cov txiv saws mus rau tus me nyuam tus neeg saib xyuas nws. Cov kev pab kho mob (medical assistance) uas muab rau los ntawm daim ntawv cog lus Adoption Assistance Agreement yuav muab tso tseg ib yam nkaus thiab.

**2. Tus me nyuam cov nqi kho mob yuav muab them li cas tom qab cov niam cov txiv saws tas sim neej thiab ua ntej muab rau tus neeg saib xyuas saws?**

Raws li tsab cai lij choj tam sim no, nws tsis muaj cov nqe lus nyob ntawd kom cia li them rau cov nqi kho mob no. Cov nyiaj tau los ntawm Social Security, ntawv pov hwm, nyiaj lwm tus muab tso tseg rau yus los yog county human / social services department kuj yuav pab tau ib txhia ntawm cov nqi them. Yog tus neeg saib xyuas muaj ntawv tso cai ua ib tug niam qhuav txiv qhuav/tus saws (foster / adoptive) rau tus me nyuam, cov nyiaj pab rau tus niam qhuav txiv pab tu yuav them rau cov nqi no thiab kev pab kho mob yuav muab pab rau tus (cov) me nyuam. Yog muab hais kom dav, tus me nyuam yuav muaj feem tau txais cov kev pab kho mob. Tej zaum tus me nyuam yuav tau txais Medicaid raws li Medicaid cov cai, los yog tias tus neeg saib xyuas muaj feem rau li ib tug txheeb ze pab tu (kinship care) ces tus me nyuam kuj yuav tau txais kev pab kho mob los ntawm qhov kev pab cuam Kinship Care Program. Cov neeg ua hauj lwm hauv county human / social services department yuav pab tau qhov kev txiav txim muab kev kho mob (medical assistance).

**3. Tus neeg saib xyuas puas yuav tsum tau saws tus me nyiam xwv thiaj li tau txais kev pab rau kev saws me nyuam?**

Yog. Cov nyiaj pab rau kev saws me nyuam tsuas them rau ib tug me nyuam muab nws saws nkaus xwb. Yog tus neeg saib xyuas xav saws tus me nyuam, tus neeg saib xyuas yuav tsum tau ua ntawv thov thiab tau ntaub ntawv tso cai los mus saws tus me nyuam.

**4. Lub department puas muaj ib daim ntawv qhia rau ib tug neeg saib xyuas kom ua raws yog tias nws xav los mus saws tus me nyuam thaum cov niam cov txiv saws ho tam sim neej es muab tso nrog rau daim ntawv will? (ib daim ntawv will yog hais txog thaum ib tug neeg tas sim neej lawm yuav muab nws tej kav tes kav taw ua li cas)**

Tsis muaj tam sim no. Cov niam cov txiv saws yuav tau mus tham muab tswv yim pab los ntawm ib tug kws paub rau fab khoom ntiag tug. Tus neeg saib xyuas los yog tus kws

paub rau fab khoom ntiag tug yuav hu tau rau cov xov tooj teev hauv qab no kom paub ntxiv txog qhov yuav pib kev saws me nyuam tus txheej txheem li cas.

North / Northeastern Wisconsin: (920) 448-5312

North / Northwestern Wisconsin: (715) 836-3399

South / Southeastern Wisconsin: (608) 264-6838

Milwaukee: (414) 453-1400

Adoption Assistance Information Line: (866) 666-5532

**5. Qhov nyiaj pab rau kev saws me nyuam puas yuav muab rov qab los ntsuam xyuas dua thaum tus Neeg Saib Xyuas saws tus me nyuam?**

Yog. Qhov nyiaj pab yuav muab npaum cas ntawd yog nyob ntawm cov kev xav tau ntawm tus me nyuam thaum lub sij hawm tus neeg saib xyuas saws tus me nyuam.

**6. Tus neeg saib xyuas puas yuav cia li tau txais ntawv tso cai los mus saws?**

Tsis tau. Nws yog ib qho tseem ceeb uas tus neeg saib xyuas yuav tsum muaj feem ua ib tug niam qhuav txiv qhuav/tus saws raws li daim ntawv tso cai kom muaj uas tau muab txhais rau hauv Wisconsin Administrative Code Chapter DCF 56, Foster Home Care for Children, thiab Wisconsin Administrative Code Chapter DCF 51, Adoption of Children with Special Needs.

**7. Cov nyiaj tau los ntawm tus neeg saib xyuas puas yog ib qho cuam tshuam rau qhov kev saws?**

Tsis muaj qhov tias tsis kam muab kev pab rau qhov kev saws vim tus neeg ua ntawv thov cov nyiaj tau los siab heev. Li cas los, ib tug neeg ua ntawv thov uas tsis muaj ib qhov nyiaj tau los yuav muaj teeb meem rau qhov muaj feem tau txais qhov kev saws. Tus neeg ua ntawv thov yuav tau ua kom pom tias tsev neeg cov nyiaj tau los yeej muaj txaus ua tau raws li lwm tsev neeg cov luag hauj lwm uas tsis tas tos cov nyiaj them pab rau kev saws rau tus me nyuam raws li tau hais rau hauv Wisconsin Administrative Code Section DCF 51.07(8)(b). Qhov no yog tib yam yuav tau muaj rau ib tsev neeg twg uas saws los yog ua ntawv thov pab rau kev saws.

**8. Tus neeg saib xyuas puas txais tau kev saib xyuas raws cai es tsis thov kev pab rau kev saws me nyuam?**

Tau. Yog ua tau raws li cov cai rau kev muaj cai saib xyuas ces, tsab cai lij choj zoo ib yam rau ib tug me nyuam twg uas xav tau ib tug neeg saib xyuas. Tsev neeg yuav tau ua ntawv thov kev pab (piv txwv li, kev pab kho mob) hauv qhov chaw muab kev pab human / social services department hauv lub county uas tus neeg saib xyuas thiab tus me nyuam nyob.

**9. Yog cov niam cov txiv saws muaj ib tug mob yuav zoo tsis taus, cov tib neeg uas yuav muab xaiv los ua cov saib xyuas tus me nyuam puas ua tau dab tsi ua ntej cov niam cov txiv saws tas sim neej los mus npaj rau qhov kev saws tus me nyuam?**

Tau. Cov tib neeg no yuav pib tau qhov ua tus niam qhuav txiv qhuav/tus saws daim ntawv tso cai tus txheej txheem. Cov neeg ua hauj lwm hauv qhov chaw saws me nyuam hauv cheeb tsam yuav qhia rau tus tib neeg hais txog cov kauj ruam tseem ceeb yuav tau ua los mus tau ntawv tso cai ua ib tus niam qhuav txiv qhuav/saws tus me nyuam.

**10. Yog ib tug neeg saws yog nws ib leeg kheej, yuav poj niam/yuav txiv tom qab saws ces tom qab ntawd ho tam sim neej lawm, nws tus poj niam/tus txiv puas yuav cia li tau txais qhov nyiaj pab rau tus me nyuam saws?**

Tsis tau. Yog tus tib neeg uas kos npe rau daim ntawv cog lus Adoption Assistance Agreement nrog rau lub Department of Children and Families xav kom nws tus poj niam/tus txiv los ua ib tug ntxiv rau Daim Ntawv Cog Lus, lawv tus poj niam/tus txiv yuav tsum ua kom tiav qhov ua tus niam txiv tshiab saws (step-parent adoption) rau tus me nyuam muab hais rau hauv Daim Ntawv Cog Lus. Leej niam leej txiv saws uas muaj npe teev rau ntawm Daim Ntawv Cog Lus yuav tau sau ntawv rau lub department mus thov kom ntxiv lawv tus poj niam/tus txiv rau ntawm daim ntawv cog lus. Ib daim qauv ntawm daim ntawv Step-Parent Adoption Order yuav tsum muab xa nrog daim ntawv thov.

**Yog xav paub ntxiv, thov hu rau:**

Adoption Assistance  
DCF/DSP  
P.O. Box 8916  
Madison, WI 53708-8916

Xov tooj: (866) 666-5532 (toll-free)  
Fax: (608) 264-6750

Tu cim Wisconsin State Code uas muab hais rau hauv daim ntawv tseb no yuav muab tau nyob rau ntawm cov websites nram qab no:

Chapter DCF 51: [http://docs.legis.wisconsin.gov/code/admin\\_code/DCF/021\\_099/51.pdf](http://docs.legis.wisconsin.gov/code/admin_code/DCF/021_099/51.pdf)

Chapter DCF 56: [http://docs.legis.wisconsin.gov/code/admin\\_code/DCF/021\\_099/56.pdf](http://docs.legis.wisconsin.gov/code/admin_code/DCF/021_099/56.pdf)

Lub Department of Children and Families (DCF) yog ib tus tswv hauj lwm thiab muab kev pab muaj vaj huam sib luag rau sawv daws. Yog koj muaj ib tus mob xiam oob qhab thiab xav tau cov ntaub ntawv no ua lwm hom, los sis xav tau nws txhais ua lwm hom lus, thov hu (608) 266-8787 los sis qhov Wisconsin Relay Service (WRS) – 711 TTY. Rau cov lus nug txog koj cov cai hu rau (608) 422-6889 los sis Wisconsin Relay Service (WRS) – 711 TTY.